

**ԱՐՄԱՎԻՐԻ ՄԱՐԶԻ ԱՐԵՎԱՇԱՏԻ ՀԱՄԱՅՆՔԻ ԴԵԿԱՎԱՐԻ 2017 ԹՎԱԿԱՆԻ
ԱՇԽԱՏԱՆՔԱՅԻՆ ԳՈՐԾՈՒՆԵՈՒԹՅԱՆ ՏԱՐԵԿԱՆ**

ՀԱՇՎԵՏՎՈՒԹՅՈՒՆ

Արմավիրի մարզի Արևաշատ համայնքի ղեկավարը, ղեկավարվելով «Տեղական ինքնակառավարման մասին» Հայաստանի Հանրապետության օրենքի և դրանից բխող այլ իրավական ակտերի պահանջներով, 2017թվականի ընթացքում իրականացրել է որոշակի աշխատանքներ՝ ստորև ներկայացվող հետևյալ բնագավառներում.

1. Քաղաքացիների և տնտեսավարող սուբյեկտների իրավունքների բնագավառ:

- Համայնքի բնակիչների օրինական շահերը պաշտպանելու նպատակով հանդես ենք եկել տարբեր միջնորդություններով մարզպետարանում, Վաղարշապատի տարածքային ստորաբաժանումում, նոտարական գրասենյակում, քաղաքացիական ակտերի կացության ակտերի գրանցման բաժնում, սոցիալական ծառայության բաժնում, ոստիկանության բաժանմունքներում, զինվորական կոմիսարիատում և այլ կազմակերպություններում:
- Կատարվել է համայնքի բնակիչ հանդիսացող 188 քաղաքացիների ընդունելություն, քննարկվել է տարբեր բնույթի հարցեր, առաջարկություններ, որոնց մեծ մասին տրվել է դրական լուծում
- . 2017 թվականի ընթացքում համայնքի բնակիչներից ստացվել է 85 դիմում, որոնց ժամանակին տրվել է պատասխան:
 - . ստացվել է 285 գրություն
 - . ուղարկվել է մարզպետարան, անշարժ գույքի կադաստրի ստորաբաժանում և այլ կազմակերպություններին 154 գրություն
 - . կայացվել է համայնքի ղեկավարի 34 որոշում, ավագանու 8 նիստ և 33 որոշում
 - . արձակվել է 26 կարգադրություն
 - . բնակչությանը տրամադրվել է տարբեր բնույթի 486 տեղեկանքներ
 - . աշխատակազմի միջոցով կատարվել է համայնքի բնակչության ամենամյա սեռատարիքային հաշվառման աշխատանքներ
 - . կազմակերպվել է համայնքի գրքերի, գործավարության մատյանների, արխիվային գործի, տարբեր բնույթի հաշվետվությունների, տեղեկատվությունների, հաշվապահական հաշվառման և այլ փաստաթղթերի կազմման և վարման գործընթացը համայնքապետարանի աշխատակազմի միջոցով օժանդակվել և անհրաժեշտ փաստաթղթեր է տրամադրվել համայնքի բնակիչներին տարբեր ֆինանսական կազմակերպություններից և բանկերից գյուղատնտեսական, բնակարանային, շինարարության և այլ վարկեր ստանալու նպատակով

2. Ֆինանսների բնագավառ

Համայնքի ավագանու նիստի հաստատմանն է ներկայացվել 2018 թվականի Արևաշատի համայնքապետարանի բյուջեն, աշխատակազմի թվաքանակը, հաստիքացուցակը և պաշտոնային դրույքաչափերը:

Մեծ ուշադրություն է դարձվել համայնքի բյուջեով նախատեսված բյուջեի եկամուտների հավաքագրմանը, տնօրինել ենք բյուջեի ֆինանսական միջոցները, ապահովվել դրանց նպատակային օգտագործումը, ստորագրել բոլոր ֆինանսական փաստաթղթերը:

Բյուջեի եկամուտների գծով տարեկան կատարողականը կազմում է 105,5 %, որից
հողի հարկ 96,3 %
գույքահարկ 127,1 %
վարձակալական 75,5
տեղական տուրքեր 110,2 %

3.Քաղաքաշինության և կոմունալ տնտեսության բնագավառ

- . Կատարվել է մշակույթի տան տանիքի 540մ հատվածի վերանորոգում՝ 3372800ՀՀ դրամ:
- . Վարձատրվող հասարակական աշխատանքների իրականացման ծրագրով կատարվել են մշակույթի տան և հայրենական պատերազմի զոհերի հիշատակին նվիրված հուշարձան կոթողի և հարակից տարածքների վերանորոգման և բարեկարգման աշխատանքներ
- . Երևանյան խճուղում և գերեզմանոցի մուտքի մոտ կատարվել են ասֆալտապատման աշխատանքներ:
- . Երևանյան խճուղու սկզբնամասում 1-ին նրբանցքում և Գրիգոր Նարեկացի փողոցներում անցկացվել է գիշերային լուսավորություն:
- . Համայնքի ողջ տարածքում և դաշտամիջյան ճանապարհների վրա կատարվել են փոսայցման և խճապատման աշխատանքներ, կատարվել է նաև կուտակված շինարարական և կենցաղային աղբի մաքրում և տեղափոխում աղբավայր
- . Քաղաքացիների դիմումների հիման վրա կատարվել է հողամասերի չափագրման և սահմանների ճշտման աշխատանքներ:
- . Իրականացվում է կանոնավոր աղբահանություն համայնքի ամբողջ բնակելի տարածքում, շաբաթը 1օր: Աշխատավարձը տրամադրվում է համայնքի բյուջեից:

4.Պաշտպանության և հասարակական կարգի պահպանության բնագավառ

- . Աջակցություն է ցուցաբերվել զինակոչին: Զինկոմիսարիատից ստացված ծանուցագրերը հանձնվել են զորակոչիկներին, իսկ բացակաների համար տրվել են համապատասխան տեղեկանքներ՝ նրանց մոտավոր գտնվելու վայրի վերաբերյալ:
- . 5 պատանիներ զորակոչվել են ՀՀ բանակ:
- . Բանակից զորացրվել են 7 պատանիներ, և սահմանված ժամկետում հաշվառվել զինվորական կոմիսարիատում
- . Եղեռնի օրվա կապակցությամբ հուշարձան կոթողի մոտ անցկացրել ենք միջոցառում
- . Մեծ շուքով ենք նշել Հայկական բանակի, Մայրության ու գեղեցկության և հաղթանակի օրը:
- . Աջակցություն է ցուցաբերվել զոհված զինծառայողներ՝ Սերգո Հարությունյանի և Գևորգ Սահակյանի, ինչպես նաև ապրիլյան պատերազմի մասնակիցների՝ Վրեժ Գևորգյանի և Արտակ Հարությունյանի ընտանիքներին:
- . Մայիսի 28-ին մասնակցել ենք Սարդարապատում կատարվող միջոցառմանը:

. Մշտական օժանդակություն է ցուցաբերվել համայնքի տարածքը սպասարկող ռատիկանության Էջմիածնի բաժնի աշխատակիցներին, հասարակական կարգը պահպանելու, վարչական և քրեական իրավախախտումները բացահայտելու և կանխելու նպատակով:

. Ոստիկանության աշխատակիցներին պարբերաբար տեղեկատվություն է ներկայացվել համայնքում ժամանակավոր բնակվող անձանց մասին:

5. Հողօգտագործման և գյուղատնտեսության բնագավառ

. Կատարվել է համայնքի վարչական տարածքում գտնվող հողերի հողային հաշվեկշռի կազմման աշխատանքներ, համագործակցելով մարզպետարանի, գյուղ վարչության և կադաստրի տարածքային ստորաբաժանման հետ:

. Մատուցվել է մասնագիտական խորհրդատվական-ծառայություն համայնքի հողօգտագործողներին, բույսերի ճիշտ մշակման հիվանդությունների դեմ պայքարի, ոռոգման ժամկետների ու եղանակների, ստացված գյուղ մթերքների վաճառքի ու մթերման գործընթացում:

. Հունվար ամսին կատարվել է համայնքի տարածքում գտնվող անասունների հաշվառում և ներկայացվել վիճակագրական ծառայություն:

. Իրականացվել է համայնքի գյուղատնտեսական մշակաբույսերի, ցանքատարածությունների բազմամյա տնկարկների տարածքների հաշվառում և տվյալների ներկայացում վիճակագրական ծառայություն:

. Համայնքին հատկացվել է 23 տ. ազոտական պարարտանյութ, որը բաժանվել է բնակչությանը:
. Հատկացվել է նաև 2.5տոննա գարու սերմացու:

6.Առողջապահության, ֆիզիկական կուլտուրայի և սպորտի բնագավառ

. Համայնքում գործում է մեկ բուժ. մանկաբարձական կետ, որը սպասարկում է համայնքի բնակիչներին

. Բուժ մանկաբ.կետը ապահովված է նոր սարքավորումներով

. 2016 թվականի ընթացքում բուժ. մանկաբ.կետի ընդունելությունը կազմել է 5404 այց, որից՝ 4045-ը բարձր տարիքի, 156-ը մինչև 18 տարեկան երեխաներ

. Կանխարգելիչ նպատակով այցերը կազմել են 3843

. Կանխարգելիչ պատվաստումները կազմել են 1449

. Գրանցվել է 249 տնային կանչ,ներառյալ նորածինների այցերը

. Կատարվել են լաբորատոր - գործիքային հետազոտություններ

7.Կրթության և մշակույթի բնագավառ

1. Համայնքում գործում է մեկ միջնակարգ դպրոց: Աշակերտների թվաքանակը՝ 210:
Կազմակերպչական հարցերով աջակցություն է ցուցաբերվում միջն. դպրոցի բնականոն գործունեությանը: Գյուղապետարանի աշխատակազմի միջոցով ծնողների հետ տարվող բացատրական աշխատանքների արդյունքում դպրոցից խուսափող և պարտադիր ուսուցումից դուրս մնացող երեխաներ չկան:

2. Հայկական բանակի ստեղծման, Մայրության և գեղեցկության, Հայրենական մեծ պատերազմի հաղթանակի Հանրապետության տոնի և ամանորի կապակցությամբ կազմակերպել ենք տոնական միջոցառումներ: Կազմակերպել ենք կոլեկտիվ ներկայացման դիտում Գ.

Սունդուկյանի և Հ.Պարոնյանի անվան թատրոններում, համերգի ունկնդրում՝ Արամ Խաչատրյանի անվան համերգասրահում:

3. Կազմակերպել ենք հետաքրքիր միջոցառումներ տարբեր թեմաներով
4. Գյրոցական կոլեկտիվի և գյուղապետարանի աշխատակիցների միջև գործում է սերտ կապն ու համագործակցությունը : Գյուղապետարանը մասնակցել է դպրոցում կազմակերպված բոլոր միջոցառումներին և ցուցաբերել է կազմակերպչական օգնություն: Միջոցառումների ժամանակ աշակերտներին հանձնվել են նվերներ:
5. Գիտելիքի օրվա կապակցությամբ դպրոց հաճախած առաջին դասարանցիներին և նախակրթարանի սաներին նվիրել ենք գրենական պիտույքների հավաքածու, իսկ գերազանցիկ աշակերտներին՝ հուշանվերներ:

8.Սոցիալական հարցերի բնագավառ

Համայնքի բնակիչներից ստացվել են դիմումներ, սոց. օգնություն տրամադրելու մասին և 64 ընտանիքների հատկացվել է դրամական օգնություն: Դրամական օգնություն է հատկացվել նաև համայնքի ծնունդ, մահ ունեցող և զինվորական ծառայությունից վերադարձած զինծառայողների ընտանիքների:

9.Առևտրի սպասարկման բնագավառ

Սահմանված կարգով վերահսկողություն է իրականացվել համայնքի տարածքում գործող խանութներում՝ ժամկետանց ապրանքների վաճառքը կանխելու ուղղությամբ: Տրվել է ոգելից խմիչքների և ծխախոտի արտադրանքի վաճառքի 3 թույլտվություն:

II Համայնքի հիմնախնդիրները

Արևաշատ համայնքն ունի չլուծված բազմաթիվ խնդիրներ, որոնք գյուղապետարանի միջոցով հնարավոր չէ լուծել, նրանցից ամենակարևորներն են՝

1. Մանկապարտեզի շենքի կառուցում:
2. Ոռոգման ներտնտեսային ցանցի կառուցում:
3. Մշակույթի տան դահլիճի հիմնանորոգում:
3. Խմելու ջրի ներտնտեսային նոր ցանցի կառուցում:

Այսօր Արևաշատ գյուղն ու գյուղացին շատ հոգսեր ու խնդիրներ ունի, որոնցից ամենակարևորը համայնքում մանկապարտեզ ունենալ և ոռոգման ներտնտեսային ցանցի կառուցումն է: Համայնքում մանկապարտեզ ունենալը դարձել է երազանք: Իսկ ներտնտեսային ցանցի կառուցումով կվերանա ջրի կորուստը և կիջնի ջրի ինքնարժեքը: Արևաշատ համայնքն ունի բազմաթիվ չլուծված խնդիրներ, որոնց մի մասը կկատարվեն 2017թվականի ընթացքում: